

182. Cal. 896. 4.

বৈষ্ণব-গ্রন্থাবলী—নং ২।

শ্রীমৎ হরিদাস ঠাকুরের জীবন-চরিত ।

শ্রীঅচ্যুতচরণ চৌধুরী প্রণীত ।

গৈনা—শ্রীহট্ট হইতে
অনিরুদ্ধচরণ চৌধুরী কর্তৃক
প্রকাশিত ।

কলিকাতা, ৪ নং, টেইলিয়ামস্ রোড,
পার্স সার্কেল,
শ্রীঅমৃতকিশোর ঘোষ দ্বারা মুদ্রিত

বৈশাখ—১৩০৩ বঙ্গাব্দ

মূল্য ছয় আনা মাত্র ।



নিবেদন ।

শ্রীমৎ হরিদাস ঠাকুরের জীবনী প্রকাশিত হইল। ইহান কিয়দংশ "দাসী" পত্রিকায় পূর্বে প্রকাশিত হইয়াছিল; দাসীতে ইহা পাঠ করিয়া কেহ কেহ পুস্তকাকারে প্রকাশ করিতে প্রস্তাব করেন, ও কেহ কেহ কিঞ্চিৎ সংশ্লিষ্ট হন। সাহিত্য-জগতে সুপরিচিত, বন্ধুর শ্রীযুক্ত বাবু দীনেশচন্দ্র সেন, বি, এ, তন্মধ্যে এক জন। গৌর-কৃপাভাজন শ্রীযুক্ত বাবু যুগলকান্তি ঘোষ, এম এ, মহাপ্রবন্ধের নামও এখানে করা কর্তব্য।

প্রকৃত প্রস্তাবে ইহাতে আমরা কতিপয় কিছুমাত্র নাই, মহাপ্রবন্ধ-গণের কথা আমি সংগ্রহ করিলাম মাত্র সাধারণ পাঠকের জন্য, কোন কোন তত্ত্ব, অতি পরিচিত দৃষ্টান্ত দ্বারা সহজ কথায় বর্ণনা করা গিয়াছে; কিন্তু এ প্রণালী কত দূর গৃহীতব্য, বলিতে পারি না; বৈষ্ণব মহোদয়গণ ক্ষমা করিবেন যে প্রকারেই হউক, বৈষ্ণব মহাপ্রবন্ধের কৃপাদেশ পালন ও তাঁহাদের শ্রীকনে ইহা অর্পণ করিতে পারিতেছি বলিয়া কৃতার্থ হইতেছি।

শ্রীমৎ ২৬ পরগণা, পানীহাটি বাগানবাটি প্রবাসী, বৈষ্ণব-প্রবর শ্রীযুক্ত বাবু গোবিন্দকুমার চৌধুরী মহোদয়কে আমি সর্বাঙ্গে কৃতজ্ঞতার কুসুমাজলী অর্পণ করিতেছি। তাঁহার আশ্রয় বাতীত এ জীবনী অদৌ প্রকাশিত হইত কি না সন্দেহ। হরিদাস-চরিত প্রকাশ করিতে তিনি পূর্বাগত উৎসাহশীল, তিনি এ অশ্রয়-ব্যয়ভার বহন করিলেন। বৈষ্ণব-সাহিত্যের প্রমোদকারী বৃদ্ধ উক্ত অমীদার মহোদয়কে বৈষ্ণব পাঠক আশীর্বাদ করিবেন—প্রার্থনা করি।

পরিশেষে স্বীকার্য যে, এই জীবন-চরিত্রাণি প্রধানতঃ তিন-
খানি প্রাচীন গ্রন্থের সাহায্যে লিখিত হইল,—শ্রীচৈতন্য-ভাগবত,
শ্রীচৈতন্য-চরিতামৃত, ও শ্রীঅদ্বৈত-প্রকাশ শেষখানি অতি প্রামাণ্য
গ্রন্থ গ্রন্থকার ঈশান-নাগর অদ্বৈত প্রভু, শিষ্য এবং শান্তিপুত্রে
অদ্বৈত প্রভুর বাড়ীতেই বাস করিতেন অদ্বৈত-প্রকাশে আত্ম-
বিবরণে তাহা লিখিয়াছেন শান্তিপুত্রে ঘটত, হরিদাস সম্বন্ধে
তিনি যাহা লিখিয়াছেন, তাহার অধিকাংশই তাঁহার স্বচক্ষে দেখা
ঘটনা বিশেষতঃ তাঁহার গ্রন্থখানি সর্বাপেক্ষা প্রাচীন
১৪৯০ শককে (“চৌদ্দ শত নবতি শককে পরিমাণে”) ইহা বিব-
চিত হয় এক শত পনের বৎসরের প্রাচীন হস্তলিখিত একখানি
প্রতিলিপি আগরা পাইয়াছি বলা বাহুল্য যে শ্রীচৈতন্য-ভাগবত
ও শ্রীচৈতন্য চরিতামৃত হইতে শ্রীঅদ্বৈত প্রকাশকে আগরা অল্প
প্রামাণ্য মনে করি না ।

১লা বৈশাখ, ৪১১ গৌরব্দ } শ্রীঅচ্যুতচরণ দাস চৌধুরী ।
মৈনা—শ্রীহট্ট

সূচী-পত্র ।

বিষয়	পৃষ্ঠা ।
জন্ম-কথা	১
গৃহ-ভাগ	২
পরীক্ষা-প্রসঙ্গ	১০
“ধর্মোন্নতি ধার্মিকং”	১৮
ফুলিয়া প্রত্যাগমন	৩১
বিতর্ক	৩৬
“ব্বনেব” ব্রাহ্মণ শিষ্য	৩৮
অদ্বৈত-সম্মিলন	৪০
শিক্ষা ও দীক্ষা	৪৬
ভক্ত-বিচার	৪৮
নাম-মাহাত্ম্য	৫২
নামে-প্রেম	৫৫
শীতিপুনে	৫৩
হবিদাগের প্রভাব	৫৭
ভগবান ভক্তির বশ	৫৮
মবদীপে	৬০
শীলাচলে	৬৫
হরিদাস ও রূপ-স্নাতন	৬২
কৃষ্ণ-কথা	৬৭
নির্ঘ্যাণ	১০০
মহোৎসব	১০৫
উপসংহাস-স্মারিত	১০৬



উৎসর্গ ।

পরম আরাধ্যতম

মদীশ্বর

শ্রীশ্রীগৎ প্রভু

শ্রীরাধিকানাথ গোস্বামী

মহোদয়ের

শ্রীশ্রীকরকমল

এই গ্রন্থ

পরম সৎকা সহকরে

উৎসর্গীকৃত

হইল ।



মঙ্গলাচরণ ।

(প্রার্থনা ও অভিনায়)

প্রভো !

যে তোমারে চায়, সত্য সত্য পায়,
ভাগ্যবান সেই জন
ছুর্ব্বার এ মন, তোমার স্মরণ,
করে নাকি অনুরাগ
আগার ভরসা, নিরাশার আশা,
তব দয়াময় নাম
অধম জানিয়া, কৃপা বিতরিয়া,
উদ্ধারহ গুণধাম ॥
মোটো না চাহিবে ! তাও কি হইবে !
দয়াল ঠাকুর তুমি ।
জীবন যৌবন, সব সমর্পণ,
ও পদে করেছি আমি
যাব কার কাছে ? কে আগার আছে,
এ তিন ভুবন-মাঝে
সর্ব্বত্র আগার নিধি করণার
দেহ এ চরম রঞ্জে

নাথুহে ! তাহে—

প্রতপ্ত হৃদয়, হইবে শীতল,
বড় সাধু মনে মনে ।



শ্রীমৎ হরিদাস ঠাকুরের জীবন-চরিত ।

জন্ম-কথা ।

“প্রভো—হে করুণাময় ! তুমি ইহাদের অপরাধ মার্জনা
কর হায় ! ইহারা কি কবিতোছে, আপনাকা তাহা বুঝিতে
পারিতেছে না ; তুমি নিজ গুণে ইহাদিগকে ক্ষমা কর ” কয়েকটি
মুমতসান একটি দরিদ্র উদাসীনকে নিদারুণ প্রহার করিতেছিল,
আর উদাসীন উচ্চৈঃশব্দে ভগবানের কাছে তাহাদের জন্য
পূরোক্ত প্রার্থনা করিতেছিলেন। “ইহাদের গতি কি হইবে”
এই ভাবনায় তিনি কাতর ও অভিভূত হইয়া মনের আবেগে
উচ্চৈঃশব্দে তাহাদের মঙ্গল কামনা করিতেছিলেন। নিদারুণ
প্রহারে সাধুর সর্বদ্বন্দ্ব কত বিকৃত হইতেছিল, অঙ্গ ফাটিয়া স্থানে
স্থানে শোণিত ক্ষরিত হইতেছিল, সে দিকে সাধুর ভ্রক্ষেপ নাই।
তাহারা নিরপরাধে তাঁহাকে প্রহার করিতেছিল, দয়ার্জ চক্ষে

২ শ্রীমৎ হরিদাস ঠাকুরের জীবন-চরিত ।

তাহাদেরই জন্য তিনি প্রার্থনা করিতেছিলেন, তাহাদেরই জন্য তিনি কাঁদিতেছিলেন ধন্য সাধু,—ধন্য তাঁহার সহৃদয়তা ।

এই অসাধারণ সাধু পুরুষটী কে ? বোধ হয় বলিতে হইবে না যে, ইনি সুপ্রসিদ্ধ হরিদাস

হরিদাস যে সময়ে জন্মগ্রহণ করেন, তখন এ দেশে মুঘলমানের প্রভাব অতি প্রচণ্ড ; অত্যাচারী যবন-রাজের পীড়নে দেশ তখন নিতান্ত প্রগীড়িত, হিন্দুদিগকে ভয়ে ভয়ে গান্ধ সস্তম রক্ষা ও স্ব স্ব ধর্ম কর্ম সংসাধন করিতে হইত পক্ষান্তরে, ধর্ম-জগতে তৎ দিন স্বেচ্ছাচার পূর্ণ মাত্রায় বিরাজিত ; কেহ কাহাকেও মানে না, কেহ কাহারও কথা শুনে না বৌদ্ধ ধর্মের মত তখন কলুষিত হইয়া । পড়িয়াছে, শঙ্করের অদ্বৈতবাদ বিকৃতাবস্থা প্রাপ্ত হইয়াছে, পৌরাণিক ভক্তিবাদ তখন লুকায়িত বলিলেও হয় সগম্য বুঝিয়া ধর্মজ্ঞানবিহীন তান্ত্রিকদল মাথা তুলিয়াছে,—বামাচারী—কাপালিক অসংখ্য শ্রেণী !! বস্তুতঃ রক্তচন্দন-চর্চ্চিত-কপাল মদ্যমাংস গাশী তান্ত্রিকদের অনাচারে সমস্ত দেশ তখন প্রাণ-শূন্য কাহারো পণ্ডিত বলিয়া পরিচিত, কাহারোও সুধু জ্ঞান-চর্চ্চায় গুহ-হৃদয়—ভক্তি শূন্য ।

দেশের অবস্থা যখন এইকপ, তখন ভক্তির ভণ্ডার হৃদয়ে ধান্নে ~~করিয়া~~ কল্লোলদায় হরিদাস জন্মগ্রহণ করেন

হরিদাস যবন-কুলোদ্ভব বলিয়া পরিচিত । যদি হরিদাস যবন তবে তাঁহার হিন্দু নাম কেন ? না, হরিদাস যবন নহেন,—যবন-পালিত, যবন কর্তৃক রক্ষিত ; সুতরাং জাতিদ্রষ্টা জাতিদ্রষ্টা বলিয়াই “যবন হরিদাস” নামে তিনি প্রসিদ্ধ ।

যশোহর জেলার অন্তর্গত বনগ্রাম সমুদিস্থানের নিকটে

প্রাচীন বড়ন গ্রাম এই বুড়ন গ্রামে এক দরিদ্র দ্বিজ-দম্পতি বাস করিতেন। ইহঁদের অতি ভক্তিপরায়ণ ছিলেন, নির্ভরনে আপন মনে হরি ভজন করিতেন; অসাময়িকতায় ও মদুর চরিত্রে সমস্ত গ্রামবাসী ইহঁদিগকে ভাল বাসিত। কি হিন্দু, কি মুসলমান, সকলেই স্মৃতি শর্মা ও গৌরী দেবীকে ভক্তি করিত হরিদাস। এই ভক্ত দম্পতির উৎকৃষ্ট পুত্র *

হরিদাস ১৩৭১ শকাব্দে শার্বশীর্ষ মাসে বুড়নে জন্মগ্রহণ করেন। স্মৃতি ঠাকুর হরি-ভক্ত ছিলেন—পূর্বে বলিয়াছি। তাঁহার বিশ্বাস, ভগবন্মাগে আর ভগবানে কোনও পার্থক্য নাই—“অভেদো নামনাগিনঃ।” অতএব তিনি পুত্রের নাম ব্রহ্ম হরিদাস রাখিলেন। অভিপ্রায় যে, পুত্রকে আহ্বান করিতেও শ্রীম ইষ্ট শ্রীম উচ্চারিত হইবে। এই উৎকৃষ্ট ধারণাটী ভারতবাসীর মজ্জাগত ছিল; “ছিল” বলিতেছি, কেননা এখন সে হিমাব অল্প লোকেই করিয়া থাকেন।

হরিদাসের বয়স যখন ছয় মাস, তখন স্মৃতি ঠাকুর পরলোক যাত্রা করেন। ছয় মাসের শিশু পুত্র লইয়া গৌরী দেবী

হরিদাস হিন্দু-মতান, একিথ প্রাচীন শিবগীতা গ্রন্থে (মৎস্ক ভক্ত-ভগীরথ বন্ধু কৃত চৈতন্য-মঙ্গলকাণ্ড, এবং উক্ত প্রণীত হরিনামামৃত-মহরী গ্রন্থে পাওয়া যায়।

হরিদাসের জন্ম সম্বন্ধে কাহারও কাহারও মতভেদ আছে। হরিদাস আপনাকে হীন জাতি বলিয়া পরিচয় দেওয়ার কথা চৈতন্য ভাগবতে আছে বটে, কিন্তু সনাতন গোষ্ঠ্যমীও ত এইকপ আপনান পরিচয় দিতেন? অধিকন্তু তিনি আপনাকে “য়েচ্ছ জাতি” পর্যন্ত বলিয়াছেন। (“বপ সনাতন” প্রকরণ দেখুন) কিন্তু তিনি ব্রাহ্মণ-তনয় বাহ্যিক, এখানে এ সম্বন্ধে বিতর্ক অনাবশ্যক। চতুর্থ ভাগ দাসী পত্রিকায় দুইটি পৃথক প্রস্তাবে এ সম্বন্ধে আলোচনা করিয়াছি। তাহা লেখা।

কি “অষ্টম-প্রকাশ দ্রষ্টব্য।”

অকুল সংসার সাগরে ভাসিলেন ! বিস্ত গৌরী দেবীর আশ্রয় নাই ।

ভাগবতের প্রসিদ্ধ টীকাকার শ্রীধর স্বামীর সঙ্কল্প ছিল, তাঁহার একটি সন্তান হইলেই তিনি সংসার ত্যাগ করিবেন, কালে তাঁহার একটি পুত্র জন্মিল, স্ত্রী পুত্র এসব করিয়াই প্রাণত্যাগ করিলেন । শ্রীধর স্বামী এখন কি করিবেন ? পুত্র রক্ষার ভার কাহাকে দিবেন ? দৈবাৎ একটি টিকটিকী ভিষ ভাঙ্গিয়া তাঁহার সন্মুখে পতিত হইল, পতনাঘাতে ভিষ ভাঙ্গিয়া গেল ও তাহা হইতে পূর্ণাবয়ব একটি টিকটিকী ছানা বাহির হইল । দেখিতে দেখিতে ছানাটি সন্মুখ একটি ক্ষুদ্র কীটাপু ধরিয়া আহার করিল । শ্রীধর স্বামী আপন প্রশ্নের উত্তর পাইলেন ।* নিরাশ্রয় টিকটিকী-ছানার আহারদাতা যিনি, তাঁহার চরণে সন্মোক্ষাও শিশুকৈ সমর্পণ করিয়া তিনি প্রস্থান করিলেন ।

গৌরী দেবী ভাবিলেন—যিনি গর্ভের মধ্যে সন্তানকে রক্ষা করিয়া থাকেন, সন্তান এসবেব পূর্ব হইতেই যাহার চিন্তা, তখন হইতেই যিনি মাতৃ-স্তনে দুগ্ধ-সঞ্চাল করেন, হরিদাসকে তিনি রক্ষা করিবেন । সন্তানের মায়ায় তিনি ধর্মত্যাগ করিতে পারেন না, ধর্ম সর্বাপেক্ষা গরীয়ান্ । গৌরী দেবী হরিদাসকে শ্রীভগবানের ~~সন্মুখে~~ সমর্পণ করিলেন ; করিয়া স্বামীর জলন্ত চিতায় আরোহণ পূর্বক তৎসংগমিনী হইলেন ।

ছয় মাসের শিশু—কাছে কেহ নাই, চিৎকার করিয়া কঁাদিতে লাগিল । এ দৃশ্য দর্শনে সুগতির একটি যুবলগ্ন প্রতিবাসীর হৃদয়ে দয়া হইল । তিনি নিরাশ্রয় হরিদাসকে অতি যত্নে আপন আবাসে লইয়া গেলেন ও পুত্র-নির্বিশেষে লালন পালন করিতে

লাগিলেন হরিদাস যবন-গৃহেই পরিতর্কিত হইতে লাগিলেন।
এইরূপে ত্রাণ-সন্তানের যবন প্রাপ্তি ঘটিল।

হরিদাস যবন-গৃহে প্রবর্তিত হইতে লাগিলেন। হরিদাসের
প্রতিশ্রুতক তাঁহার অন্য কোন নাম রাখিয়াছিলেন কি না, তাহা
আর জানিবার উপায় নাই; রাখিয়া থাকিলে সে যাবনিক নামে
তিনি অধিক দিন পরিচিত ছিলেন বলিয়া বোধ হয় না তবে,—
হরিদাস যবন-সন্তান বলিয়াই প্রসিদ্ধি লাভ করেন।

—o—

গৃহ-ত্যাগ ।

হরিদাস যবন-গৃহে অনেক দিন ছিলেন; কিন্তু যিনি হরিদাস
দাস হরি নামের প্রচারার্থ যিনি প্রাহুভূত, তিনি কত দিন যবন-
গৃহে থাকিবেন? যবনের আচার ব্যবহার তাঁহার ভাল লাগিল
না, যবন-ধর্মের প্রতি তাঁহার স্নতএব অশ্রদ্ধা জন্মিল।

হরিদাস কাহারও কাছে হিন্দু ধর্মের কোন উপদেশ প্রাপ্ত
হন নাই, যাবনিক রীতি, নীতি—ধর্ম পদ্ধতি বাল্যাবধি দেখিয়া
আসিতেছেন, তথাপি হিন্দু ধর্মের প্রতি তাঁহার প্রগাঢ় ভক্তি
জন্মিল ইহা আশ্চর্য্য নহে, যেহেতু কোকিল-শাবক কার
কর্তৃক পরিপালিত হইলেও কদাপি বায়স-ধর্ম প্রাপ্ত হয় না
যে ব্রহ্মভেজে হরিদাসের জন্ম, যে শোণিত হরিদাসের শিরায়
শিরায় প্রবাহিত, বিচিত্র কি—কালে তাহা আপন প্রভাব প্রকাশ
করিবে। বসন্ত-সমাগমে নবপল্লবিত তরু'পরি যখন কলকঠে
কুতুধবনি হইতে থাকে, তখন কোকিল-শাবকও চিনিয়া লওয়া

৬ শ্রীমৎ হরিদাস ঠাকুরের জীবন-চরিত

কঠিন নহে তাই, কমল ও নিশ্চিন্ত হীরকের ন্যায়, দৈত্যকুলে
প্রহ্লাদের ন্যায়, হরিদাস স্বীয় স্বাভাব্য রক্ষা করিতে সক্ষম
হইলেন

হরি নাম শুনিলে, কি জানি কেন, হরিদাসের হৃদয় নাচিয়া
উঠিত প্রতি অঙ্গ পুলকিত হইত তাঁহার হৃদয় কেন নাচিয়া
উঠিত, হরিদাস তাহা বুঝিতে পারিতেন না চণ্ডীদাসের একটি
পদ আছে, যথা—

“সই কেবা শুনাইল শ্যাম নাম ?

কাণের ভিতর দিয়া,

মরমে পশিল গো,

আকুল করিল মোব প্রাণ ”

হরিদাসের প্রাণ হরি নাম শুনিলে বাস্তবিকই আকুল হইয়া উঠিত ।
হরি-নাম তাঁহার মরমে পশিয়া গিয়াছিল, তাই তাঁহার “বদন আর
ঐ নাম ছাড়িতে পারিত না ”

হরিদাসের যবন-প্রতিপালক তাঁহাকে কত প্রবোধ দিলেন,
মাতা (?) কত কাঁদিলেন, হরিদাসের মন ফিরিল না হরিদাসের
পালয়িতা যথাসাধ্য যবন ধর্মের প্রাধান্য কীর্তন করিলেন হিন্দু
ধর্মের হেয়ত্ব প্রতিপাদন করিতে চেষ্টা করিলেন, হরিদাসের মন
কিছুতেই ফিরিল না হরিদাসকে নানাবিধ ভয় প্রদর্শন করা
গেল,—সব বৃথা, হরিদাসের অটল বিশ্বাস টলিল না । তখন ক্রুদ্ধ,
হইয়া, হরিদাসের পালক-পিতা তাঁহাকে গৃহ-বহিস্কৃত করিয়া
দিলেন

গৃহত্যাগে হরিদাসের অনুমাত্র দুঃখ হইল না, সানন্দ চিত্তে
তাহা ভগবদানীর্বাদ বলিয়া গ্রহণ করিলেন । ভগবদ্গিৎকারূপ

অবিযাক্ত শরে আর জর্জরিত করিবে না, এাং ভরিয়া
আপাততঃ হরি-নাম গান করিতে পারিবেন—হরিদাসের
আনন্দেব আর সীমা নাই তিনি ওফুল চিত্তে বাড়ী ছাড়িয়া
চলিয়া গেলেন, ও নিকটবর্তী বেণাপোলের জঙ্গলে (বনজামেদ
নিকট,—এখন রেলওয়ে ষ্টেশন) এক কুটীর বাধিয়া বাস করিতে
লাগিলেন

এত দিনে হরিদাসের হিন্দুয়ানী অন্তরেই ছিল, এখন স্বাধীন
হইয়া হরিদাস প্রকাশ্য ভাবে হিন্দু রীত্যনুসারে ভজনে ও বৃত্ত
হইলেন। কুটীরের দ্বারে তুলসাব বেদী করিলেন, গলার তুলসীর
মালা পরিলেন, গঙ্গা-মুক্তিকায় তিলক, আর তুলসীর মালা উঠেঃ-
স্বরে হরি-নাম জপ করিতে লাগিলেন

হরিদাসের বিশ্বাস,—যে কেহ হউব না, কোন প্রকারে
একবার হরি নাম লইলেই তরিয় যাইবে জপ বরা দূরের কথা
তাঁহার বিশ্বাস,—হরি-নাম শুনি লেও জীবের অবিদ্যাবন্ধন দূরীভূত
হয়, অতরাং হরিদাস চুপে চুপে নাম জপ না করিয়া উঠেঃস্বরে
করিতেন এইরূপে হরিদাস প্রতি দিন তিন লক্ষ হরি-নাম জপ
করিতেন।

এখন, যদি অতি দ্রুত হরি-নাম করা যায়, লক্ষ নাম জপ
করিতে তুখাপি চম্ব স্বণ্টা লাগে; তিন লক্ষ নাম জপ করিতে
এইরূপে ১৮ স্বণ্টা কমে হয় না; অতরাং হরিদাস প্রায় দিবানিশি
নামাবেশে বিভোর থাকিতেন

এ জন্মে আনন্দের আশ্বেষণে ব্যস্ত। বেহ যশের জন্ত, কেহ
অর্থের জন্ত কেহবা পার্থিব প্রণয়াদির জন্ত লালসিত; কিন্তু
সবাই এক মনুষ্য আশ্বেষণ করিতেছে হরিদাস নামানন্দে

বিভোর থাকিতেন, তিনি আহারোপার্জনের চেষ্টা পর্যন্ত পরিত্যাগ করিলেন। নামে এমন এক আনন্দ নিহিত আছে, এমন এক রস আছে, যাহার সমতুল্য হনি ন এ জগতে আর কিছু পাইতেন না। নাম তাহার কাছে মিষ্ট হইতে মিষ্টের লাগিত, সে অপূর্ব রস আশ্বাদনে তাহার ক্ষুধা তৃপ্ত ও অনেক সময় বোধ হইত না।

হরিদাসের অটল বিশ্বাস—হরি-নাম করিলে হুরিকে পাওয়া যায়, একান্ত মনে নাম ধরিয়া ডাকিলে, নামী আসিয়া উপস্থিত হন; হরিদাস কেন না সর্বত্যাগ করিয়া নামমাত্র সম্বল করিবেন? এই বিশ্বাস-বলেই এক দিন শিশু ক্রব মাতৃ-কোড় ছাড়িয়া চলিয়া গিয়াছেন। এই বিশ্বাস-বলেই বালক প্রহ্লাদ পিতৃপ্রদত্ত অশেষ ক্লেশ সহিতে সম্মম হইয়াছিলেন; হরিদাস কেন না সর্বত্যাগী হইবেন? যাহাতে ক্লেশ নাই—বিপদ নাই, যাহাতে কেবল আনন্দের লহরী উথিত হইতে থাকে, কোন্ বুদ্ধিমান তাহার জন্ত সর্বত্যাগী না হন?

ভুগি আমি সংসারের মলিন জীব, কাতরে কেহ ক্রমাগত ডাকিতে থাকিলে, কতক্ষণ চুপ করিয়া বসিয়া থাকিতে পারি? না হয় থাকিলাম, তথাপি সে অধ্যবসায়ী যদি ডাকিতে থাকে, মাসাবধি—সংসরাবধি ডাকিতে থাকে, তবে নিশ্চয়ই এববার তাহার প্রতি কান না দিয়া পারি না। তবেই নিঃসন্দেহ, সন্দেহের সন্দেহ—দয়াময়, কেহ নির্মল মনে—একটি চিন্তে ভিত্তিভরে ক্রমাগত ডাকিতে থাকিলেও তিনি শুনিবেন না, এ পাপ চিন্তা হরিদাসের মনে যুগাকরেও উপস্থিত হয় নাই। অতএব তিনি সর্বত্যাগী নাম-সর্বস্ব হইবেন কি? ফল

কথা—ভক্তির অধিকারী হইলে মানুষ পরিতৃপ্ত হইয়া যায়, তাহার আর অন্য আকাঙ্ক্ষা থাকে না শাস্ত্রও বলেন—

“ওঁ যন্নক্সা পুমান্ সিদ্ধো ভবত্যমৃতী ভবতি তৃপ্তোভবতি ”

শ্রীনারদকৃত ভক্তিসূত্র—১৪।

যদি ভগবান সদাশয় হন, তাহা হইলে একরূপ সরল—একরূপ বিশ্বাসী ভক্তের প্রতি বোধ হয় তিনি উপেক্ষা করেন না হরিদাস হরিহরোপার্জনের চেষ্টা ত্যাগ করিলেন, কিন্তু ভগবান তাঁহার আহার যোগাইতে লাগিলেন আরম্ভে যত হিন্দু—হরিদাসের অদ্ভুত ব্যবহারে সকলেই আশ্চর্যান্বিত হইল তাহারাই,—যার যেকরূপ সাধ্য, প্রতি দিন হরিদাসের জল্য দ্রব্যাদি লইয়া আসিত, এবং তাঁহাব কুটীর দ্বারে রাখিয়া আপনাদিগকে কৃতকৃতার্থ জ্ঞান করিত। এইরূপে হরিদাসের কুটীরে প্রসাদান্ন ও ফলমূলদি জমা হইত। * হরিদাস একবার যাত্রা আহার করিতে, যাহা অবশিষ্ট থাকিত,—বিলাইতেন।

হরিদাসকে কেহ দেখিতে আসিলে তিনি নাম গ্রহণ করিতে যথাসাধ্য উপদেশ দিতেন—অনুরোধ করিতেন। যাহারা আসিত, ভক্তের বিশ্বাসি, একান্ত ভক্তি, ও সদ্যবহারে পরিতৃপ্ত হইয়া যাইত ; তাহারা হরিদাসের অনুরোধ গ্রহণ না করিয়া থা বিতে পারিত না।

পাঠক, অঙ্গপনারা (Will-foroe বা) ইচ্ছা-শক্তির কথা

তৎকালে কেবল ব্রাহ্মণবর্গই দেবত পূজা করিতে পারিতেন। তৎকালে হরিদাস প্রত্যহ সাধিক ভোজন করিতেন চবিত্তামৃত লিখিত—

“রাত্রে দিনে তিন লক্ষ নাম সঙ্গীতন
ব্রাহ্মণের ঘরে ঘরে ভিক্ষা বিক্রীতন ”

১০ শ্রীমৎ হরিদাস ঠাকুরের জীবন-চবিত ।

অবগত আছেন। এ শক্তি-প্রভাবে অপরকে কতক বাধ্য করিতে পারা যায়; কিন্তু সঞ্চারকের অন্তর যদি নির্মল থাকে, তবে এ শক্তি বহু ফলপ্রদ ও শুভদ হয়। মল কথা, উপদেষ্টার উপদেশে প্রাণ থাকা চাই, প্রাণহীন কথা কেহ গ্রহণ করে না।

হরিদাসের হৃদয় নির্মল—উক্তিপূর্ণ—আবেগপূর্ণ, সর্বজীবের হিতসাধন তাঁহার ব্রত, তাঁহার অভিলাষ কেন ~~না~~ পূর্ণ হইবে? তাঁহার উপদেশ লোকে কেন না লইবে? হরিদাস হরি-নামে দেশ মাতাইয়া তুলিলেন কিন্তু চঞ্চল বালকদল হরিদাসের বিশেষ বাধ্য হইয়াছিল। গ্রামবাসীগণ হরিদাসকে যে ফল মূল প্রদান করিত, তাহারই তথিকংশ তিনি বালকদলে বিতরণ করিতেন; আর তাহারই লোভে তাহারা উচ্চৈঃস্বরে হরিধ্বনি করিত। এই যে আমরা নানা স্থানে “হরির-লোট” হইতে দেখি, এইরূপে হরিদাস কর্তৃক তাহা সৃষ্ট হয়

“হরিদাস ঠাকুর বন্দো বীরত্ব প্রধান।

দ্রব্য দিয়া শিশুরে লওয়াইলা হরি-নাম ”

শ্রীদৈবকীনন্দন কৃত বৈষ্ণববন্দনা ।

—o—

পরীক্ষা-প্রসঙ্গ ।

“প্রভো, আমি অতি অপরাধিনী, আমার পাপের আর মীমাংসাই, এ হতভাগিনীর কি উপায় আছে?” উচ্চৈঃস্বরে ক্রন্দন করিতে করিতে একটি পরম সুন্দরী যুবতী একদা হরিদাসের

চরণ ধরিয়া পড়িল “বাছা ! তুমি হরি-নাম কর, তোমার ভয় নাই ” এই বলিয়া হরিদাস তাহাকে সাংভ্রম্য করিতে লাগিলেন

এ সুবেশা যুবতীটি কে ?

ভক্তের পরীক্ষা প্রলোভনে । যদি তুমি উদ্যোগী হইয়া বনে চলিয়া যাও তুমি প্রলোভনের হাত ছাড়াইলে বটে, কিন্তু আপন শক্তি বুঝিবে না ;—তুমি ভীক যদি তুমি সংসারে থাকিয়া প্রলোভন কাটি কবিত্তে পার, অগ্নি পরীক্ষায় মলিনতা প্রাপ্ত না হও,—তবে সে তুমি খাঁচী সোনা ! হরিদাসের এখন পরীক্ষার সময় সমুপস্থিত ; হরিদাসের “বীরত্ব” এখন জগৎ দেখিবে ; হরিদাসের প্রভু হরিদাসের দ্বারায় জগৎকে দেখাইবেন যে, তাঁহার ভক্তের কাছে রিপুগণ দস্তোখাটিত সর্পের স্থায় খেলার বস্তু ।

বনপ্রাণের অগীদার রাগচন্দ্র খাঁন দুই প্রকৃতির লোক, পরপ্রী-
কাতর, ও ভক্ত-দেয়ী । হরিদাসের প্রভাব, তাঁহার ব্যবহার, রাগচন্দ্রের ভাল লাগিল না ; কিন্তু হরিদাসের কোন ছিড় পায় না, কাজেই কিছু বসিতে পারেন না । এক দিন সে কয়েকটি স্ত্রী-বান্ধবীকে ডাকিয়া, তাহাদিগকে হরিদাসের নৈরাগ্য-ধর্ম বিনাশ করিতে প্ররোধ করিল । তন্মধ্য হইতে একটা পরম স্ত্রী-বান্ধবী সম্মত হইয়া রাজিযোগে হরিদাসের নিকটে গমন করিল বৈষ্ণবরীত্যনুসারে সে তুলসী দণ্ডবৎ পূর্ষক হরিদাসকে ও নাম করিল, তৎপর সেই ক্ষুদ্র কুটার দ্বারে বসিল ; বসিয়া কুরুচিকর নানা প্রকার অঙ্গ-ভঙ্গী করিতে লাগিল

১২ শ্রীমৎ হরিদাস ঠাকুরের জীবন-চরিত ।

এখন, হরিদাস পূর্ণ যুবক সুব্যক্ত সুবলিত শরীর, বাহু-
যুগল দীর্ঘ—“আজ্ঞানুলম্বিত ” হরিদাসের অন্তর নিশ্চল ও
প্রফুল্ল, সে প্রফুল্লতা বদনে পরিব্যক্ত হইতেছে ; স্তম্ভঃ হরিদাস
শ্রীমান ও পরম সুন্দর পুরুষ ।

হরিদাসকে দেখিয়া সে বাবনারী যথার্থই বিমুগ্ধ হইয়া গেল,
গাপ-কথা উচ্চারণে তাহার কণ্ঠ হইতে লাগিল ; কিন্তু দারুণ
অর্থলোভ ! কুটিল-চরিত্রা নিরাজ্ঞা কাল-বিনয় না বুঝিয়া স্পষ্টা-
করে স্বীয় অভিলাষ জ্ঞাপন করিল ।

স্বাধার হৃদয়-ক্ষেত্রে নিবস্তব অমিয় ধাৰা প্রবাহিত হইতেছে,
সে কি বিলাস রসিকাব রমালাপে আকৃষ্ট হয় ? হরিদাস মুহূর্ত-
মাত্র বারবনিতার কথা মনে করিলেন, হতভাগিনীর দশা ভাবিয়া
তাঁহার ককণ হৃদয় আন্দ্র হইল, তিনি কুপার্থ হইয়া মনে মনে
একটী সঙ্কল্প করিলেন, পলে বলিলেন—“প্রত্যহ তিন লক্ষ নাম
জপ আমার নিয়ম, তাহা না করিয়া কিছু করিতে আমার
অধিকার নাই, তুমি একটু অপেক্ষা কর, তোমার মনোরথ
সিদ্ধ হইবে ” বেষ্ঠা বসিয়া রহিল ; এদিকে তিন লক্ষ নাম
করিতে করিতে রাত্রি প্রভাত হইয়া গেল । বিফল মনোরথ
বারবিন্দুসিনী প্রত্যুষে বামচক্রে নিকট গমন করিল ; হরিদাসের
রূপ—তাঁহার ব্যবহার কীর্তন কবিল দুঃশয় বামচক্রে তাহাতে
নিরস্ত হইল না, পুনর্বার তাহাকে পাঠাইল । রমণী সে
রজনীও হরিদাসের কুটীর-দ্বারে হনি নাম ও নিতে ও নিতে
পূর্ববৎ কাটাইল । তৎপর দিন গেল—রজনী আসিল, বেষ্ঠা
আবার কুটীর দ্বারে ! কিন্তু সে বাকি বেষ্ঠার আর পূর্বভাব
নাই ॥

“ভক্তের কণ্ঠধ্বনি একপ্রকার গদ্য বিশেষ ।”

গোবল-সত্ৰাট আকবর এক দিন স্বীয় প্রিয়গায়ক তানসেনকে জিজ্ঞাসা করিলেন, “তোমার সঙ্গীত বিদ্যার শুরু কে ?” তানসেন উত্তর দিলেন—“স্বামী হরিদাস ” * তৎপরে গোবল-সত্ৰাট একদা একটি তানপুরা সহিত তানসেন মাত্র সমভিব্যাহারে স্বামী সন্দেহ যমুনা-পুলিনে উপস্থিত হন স্বামীজি সেখানে থাকি-
তেন তানসেন একটা পদ গাহিলেন এবং ইচ্ছা করিয়াই একটু তাল ভঙ্গ করিলেন । স্বামীজির তাহা সহিল না তখন স্বয়ং তানপুরা লইয়া ভাবে গদগদ হইয়া ঐ পদটি তিনিও গাহিলেন । সে সুমধুর ধ্বনি, উচ্চ হইতে উচ্চ উঠিয়া, গাধুর্যের লহরী তুলিতে লাগিল । সত্ৰাট বিস্মিত—বিমোহিত হইয়া গেলেন । শিবিরে জ্বাশিয়া, সত্ৰাট তানসেনকে পুনর্বার সে পদটি গাহিতে আজ্ঞা দিলেন ; তানসেন জাব এক বার গাহিলেন কিন্তু যে সুমিষ্ট রস স্বামীজির কণ্ঠধ্বনিতে ছিল, তাহা না পাইয়া সত্ৰাট ক্ষোভিত হইলেন ও তানসেনকে কারণ জিজ্ঞাসিলেন ‘কারণ আর কিছু নহে,’ তানসেন উত্তর করিলেন,—“আমি দিল্লীর সত্ৰাটকে সঙ্গীত শুনাইলাম, কিন্তু স্বামীজি সত্ৰাটের সত্ৰাট—জিলোকের অধীশ্বরকে গীত শুনাইতেছিলেন ”

আর, পাঠক ! যখন কোন প্রেমিক তাহার প্রীতিভাজনের সহিত কথা কহে, তখন তাহার প্রাভাবিক স্বর অপেক্ষাকৃত কত মিষ্ট বোধ হয়, এ কথা কি অনুধাবন করেন নাই ? প্রেমিকের

* হরিদাস-স্বামী ভিন্ন ব্যক্তি, আমাদের আলোচ্য হরিদাস ঠাকুর নহেন ।

এণয়-সঙ্গীত কি শুনেন নাই? শুনিয়া থাকিলে স্মরণ করুন,—
তাহা কি মিষ্ট!

তিন বাত্রি হরিদাসের মুখে হরি-নাম শুনিয়া বেশী^র মন
ফিবিয়া গেল। হরিদাসের মুখোচ্ছানিত গধুর ধ্বনি / ঠাকুর
থাকিয়া বেণ্ডার মনে জাগিয়া উঠিতে লাগিল আবার^{লি},—

“ভক্তেব কণ্ঠধ্বনি একপ্রকার মদ্য বিশেষ ”

মরুভূমে বান ডাকিল শুষ্ক বৃক্ষ যুগ্মরিও হইল, আশ্রয়^প পা-
ভ্যস্তা বারনারী অনুতপ্তা হইল . সাধুসঙ্গের কি প্রভাব! সংসঙ্গ
বীদশা তেজস্কর এই জন্তই সাধুসঙ্গের মহাত্ম্য কীর্তন করিয়া
মহাজনগণ বিবিধ পদাদি কবিয়াছেন কোন মহাজন (ঠাকুর
মহাশয়) বলেন—

“ধাঁহার নিকটে গেলে পাপ দূবে যায়।

এমন দয়াল প্রভু কেবা কোথা পায়?

গঙ্গাব পরশ হৈলে পশ্চাতে পাবন

দর্শনে পবিত্র কব—এ তোমার গুণ ”—ইত্যাদি

এই জন্তই শাস্ত্র সাধুসঙ্গের ভূমি ভূমি উপদেশ প্রদান করি-
য়াছেন বস্তুতঃ এ আমার সংসারে সংসঙ্গই সার বস্তু। বৃহন্নাবদীয়
পুরাণেব একটী শ্লোক এইখানেই দিলে—

“অসামভূতে সংসারে সাবমেতদজ্ঞাতাজ

ভগবন্তসঙ্গোহি হরিভক্তিঃ সমিচ্ছন্তাং ”

যথা বা—

“ভক্তিস্ত ভগবন্তসঙ্গেন পরিজামতে

সমসঙ্গং প্রাপ্যতে পুষ্টিঃ স্কৃতৈঃ পূর্বসঙ্কিতৈঃ ॥”

ঠাকুর বলেন—সংসঙ্গ সদগুরু-প্রবর্তক সংসঙ্গই ভক্তিব উৎ-

পাদক, এবং সংস্কার ছায়া আশু স্বভাব পরিবর্তকর আর কিছু নাই।

লোক যত কেন মলিন দশা প্রাপ্ত হউক না, যত কেন পাপী হউক না, পবিত্রতার প্রতি—সত্যের প্রতি তাহার আন্তরিক শ্রদ্ধা আছেই আছে। মানুষ মলিনতা ল'য়া জন্মগত কুবে নাই, সংসারে আসিয়া নানা কারণে সে সংসার-সাগরে হাবুডুবু খাইতে থাকে, তখন সে সম্পূর্ণ রূপে আত্ম বিমূর্ত হইয়া যায়। সে সময় বিশেষ ভাবে পূর্বাগর ঘটনা যদি তাহার মনে পড়ে, তবে মনে অনুতাপ জন্মে; অনুতাপানল প্রজ্জ্বলিত হইলে পাপরাশি ভস্মীভূত হইয়া যায়, পূর্বদ লাভের জন্ত স্বতঃপ্রসব তাহার অভিলাষ জন্মে। এই প্রকারে আত্ম বিমূর্ত ব্যক্তি সাধুসঙ্গ দ্বাবাই আপনার অবস্থা, আপনার মলিনতা, হৃদয়ঙ্গম করিতে পারে। এই জন্তই শাস্ত্রে সাধুসঙ্গকে পাপনাশক বলিয়া উল্লেখ কবিয়াছেন, এই জন্তই শাস্ত্র বলেন,—তীর্থাদি হইতেও সাধুসঙ্গের ফল ও মাহাত্ম্য অধিক।

উৎকৃষ্ট বস্তু প্রতি সবারই বিধি দত্ত একটি ভালসংবা অনুরাগ আছে। যিনি তাহার অধিকারী, অপেক্ষাকৃত যিনি উন্নততর, যিনি নানা গুণে বিভূষিত, সাধারণতঃ তাঁহার প্রতি লোকের ভক্তি উৎসাহিত হয়। যিনি অপেক্ষাকৃত অধঃসম্পন্ন, যাহার চরিত্রে গোহিত ও আকর্ষিত হওয়া যায়, সেই শ্রেষ্ঠ পুরুষের অনুকরণ করিতে স্বভাবতঃ ইচ্ছা জন্মে, ইহাই মানুষের স্বভাব। এই জন্তই সংসঙ্গ আশুফল প্রদান করে; এই জন্তই লোক সাধু-সঙ্গে সাধু এবং অসৎ-সঙ্গে মন্দ হয়।

সাধুসঙ্গে বাববনিতার চক্ষু ফুটিল, আত্মপ্রতি দৃষ্টি পড়িল।

বেশ্যা ভাবিল—বিলাস-বাসনায় শত শত ব্যক্তি সত্তত আমার গৃহে আসিয়া থাকে, কিন্তু আমি অযাচিত ভাবে হরিদাসের দ্বানন্দ, হরিদাস তিন রাত্রি মধ্যে আমার প্রতি একবার আক্ষেপও করিলেন না। না জানি হরিদাস কোন্ বসে ডুবিয়াছেন, না জানি হরিদাস কোন্ কপে মোহিত হইয়াছেন, যাহাব কাছে মুগ্ধ গানবের ভোগ বাসনা, পাপ প্রবঞ্চনা তুচ্ছাতুচ্ছ।

রমণী হৃদয় গলিয়া গেল; সে আত্ম দোষ স্বীকার করিয়া হরিদাসের চরণ ধরিয়া বসিল। হরিদাস তাহাকে কি উত্তর দিলেন—পূর্বে বলিয়াছি সেই যে যুবতী “এ হতভাগিনীর উপায় কি,” বলিয়া কান্দিতে কান্দিতে হরিদাসের চরণ ধারণ করিয়াছিল, সে—ই রামচন্দ্রের প্রেরিতা এই বারবিলাসিনী।

আনন্দে ভক্তের হৃদয় নাচিয়া উঠিল, হরি-নামে বেনাপোলের জঙ্গল প্রতিধ্বনিত হইল। হরিদাস আনন্দভরে স্নেহ সহকাৰে বেশ্যাকে কহিলেন,—‘বাছা, আমি সবই জানিতে পারিয়াছিলাম, তবে তোমার দশা দর্শনে বড় দুঃখ হয়, তাই তোমার অন্তর প্রতীক্ষা করিতেছিলাম, নতুবা তখনই এদেশ পরিত্যাগ করিয়া যাইতাম।’

তখন, “বেশ্যা কহে,—কৃপা কবি কর পদোশ

কি মোর কর্তব্য যাতে যায় সর্ব ক্লেশ ”

কুব কহে,—“হরের দ্রব্য অঙ্গণে করি দান

এই ঘরে আসি তুমি করহ বিশ্রাম।

নিরন্তর নাম লহ তুলসী সেবন

অচিরাত্মপাবে তবে কৃষ্ণের চরণ ”

শ্রীচৈতন্যচরিতামৃত ।

হবিদাস তাঁহাকে “হরি-নাগ মহামন্ত্র উপদেশ ও তৎসাধন প্রণালী লিখাইয়া দিয়া চলিয়া গেলেন।

বেশী ওকর উপদেশে তৎক্ষণাতঃ তৎকর্তৃদ্বারা তৎক্ষণাতঃ বিতরণ করিল, একমাত্র বস্ত্র পবিধন করিয়া হবিদাসের পবিত্র কটীবে আসিয়া বাস ও নিরন্তর হরি-নাগ মন্ত্র কবিত্তে লাগিল তাহার হৃদয় অনুতাপে মগ্ন—মুখ মলিন। দুদিন পূর্বে অহঙ্কারে যে ভূমিতে প। ফেলিত না, আজ সে দীনহীন। দুদিন পূর্বে যে কেশভার হইতে কত সুগন্ধ উদ্গীর্ণ হইত, অভিমানের উৎসর্গ স্বরূপ সে কেশ আজ মস্তক হইতে অপসারিত হইয়াছে, দীনা এখন বেশ-হীনা, এখন তাহার মস্তক মুণ্ডিত।

এইরূপে সে রমণী, হবিদাসের ছায়, তিন লক্ষ নাম মন্ত্র কবিত্তে লাগিলেন। এইরূপে দীনহীনার ছায় বহু দিন তিনি উপবাস করিয়া কৰ্ত্তন কবিত্তে লাগিলেন। কেহ দয়া করিয়া এক মুষ্টি তুলা দিলে খাইতেন। কিন্তু তাঁহার এ অরুচি অধিক দিন ছিল না। যে সরল মনে ঈর্দৃশ ভ্যাগ স্বীকারে সক্ষম, ঈর্দৃশ অনুতাপ সে অবশ্যই প্রথম দয়াময়—প্রথম ছায়বান ভগবানের বরুণা প্রাপ্ত হয়। ভগবানের কৃপাপ্রাপ্ত জীব সহজেই লোবেশ মন আকর্ষণ করিতে পারে, কেন্দ্র নাই। এইরূপে সেই ভাগ্যবতী রমণীর—

“ইন্দিয়াদমন হৈল প্রেম প্রকাশ”

(চরিতামৃত।)

এইরূপে তিনি লোকের প্রকার পাত্রী হইয়া উঠিলেন। তখন হবিদাসের ন্যায় তাঁহাকেও লোকে নানাবিধ দ্রব্য উপহার দিতে লাগিল।

চৈতন্যচরিতামৃত বলেন,—

“বেশ্য চরিত দেখি লোকে চমৎকার
হরিদাসেব মহিমা কহে বরি নমস্কার ”

—o—

“ধর্মো রক্ষতি ধার্মিকং ।”

শ্রীমৎপ্রভুবৎসলী বা কোন প্রধান ভক্তের বসতি-স্থানকে বৈষ্ণবগণ “শ্রীপাট” নামে নির্দেশ করেন হরিদাস ঠাকুরের দুইটা পাট-বাটা নির্দিষ্ট আছে। একটি কুলীন গ্রামে, অপরটি ফুলিয়ায়

ফুলিয়া শান্তিপুবেব নিকট ; রাণাঘাট রেলওয়ে স্টেশন হইতে ২½ ক্রোশ মাত্র ব্যবধান ফুলিয়ায় হরিদাসের “ভজনবেদী” দর্শনার্থ অদ্যাপি বহুতর ব্যক্তি গমন করিয়া থাকেন ; বহুতর ব্যক্তি অদ্যাপি সে স্থানে গড়াগড়ি দিয়া আপনাদিগকে কৃতার্থ বোধ করেন। ফুলিয়া অপ্রসিদ্ধ গ্রামি নহে। এই ফুলিয়াতেই আদি কাব্য—বঙ্গভাষায় প্রবাহিত কাব্য—রচনা করিয়া, কীর্তিবাস কীর্তি লাভ করিয়াছেন ফুলিয়া ব্রাহ্মণ পণ্ডিতের স্থান, “ফুলিয়া সমাজই” তাহার পরিচয়; ফুলিয়া অপ্রসিদ্ধ স্থান নহে

বেণাপালের জঙ্গল ত্যাগ করিয়া, হরিদাস এই ফুলিয়াতে আসিয়া বাস করিতে লাগিলেন। “গুণী গুণং বেত্তি,” প্রবাদ বাক্যটি অতি যথার্থ। অল্প দিন মধ্যেই হরিদাস—যদিও তিনি

আর কি হইল ? বুভুক্ষিত ভৈষণ সিংহদ্বয়ও হরিদাসের পবিত্র ধর্মভাবের নিকট, মেঘ-শাবকবৎ হইয়া গেল । ইহাই ধর্ম-ধার্মিকের মহিমা !

হবিদাসকে দেখিয়া যবনগণ তখন অবাক ! মূলুকপতি গোরাই প্রভৃতি সম্ভ্রান্ত ব্যক্তিগণ, হবিদাসকে “পীর” জ্ঞান করিয়া অত্যন্ত ভীত হইলেন । এমন কি, স্বয়ং মূলুকপতি গঙ্গাতীর পর্য্যন্ত আগমন করিয়া ঘোড় হাতে হরিদাসের নিকট ক্ষমা প্রার্থনা করিতে লাগিলেন * ৩৭ক্ষণাৎ মূলুকপতি স্বীয় অধিকার মধ্যে হরিদাসকে যথেষ্ট আচরণ বিচরণেব অধিকার দিলেন, কেহ হরিদাসকে কোন বিষয়ে কোন প্রকারে বাধা না দেয়—ঘোষণা করিলেন

হরিদাসের অপ্রতিহত প্রভাব আরও বাড়িয়া গেল ।

‘মল্লকে মূলুকপতি যুড়ি ছুই কব
বলিতে লাগিল। কিছু বিনয় উত্তর ॥
মত্য মত্য জানিলাম তুমি মহাপীর
এক জ্ঞান তোমার মে হইয়াছে স্থির ॥

* * * * *

তোমাতে দেখিতে মুক্তি আইল এথাবে ।
সর্বদেব মহাশয় মনে আশ্রয় ॥
সকল তোমার গম শত্রু-মিত্র নাই ।
তোমা চিনে হেন জন ত্রিভুবনে নাই ॥”

ঐচৈতন্যভাগবত

হরিদাস বিহত হইলে পাঠক মূলুকপতি যথেষ্ট এ সকল কথা শুনিয়া পাইতেন কি ? সর্প তখন পোষ মানিত কি ?

স্বাক্ষণ পলায়ন করিলে ডক্ক বলিল, “ও ব্যক্তি ভণ্ড ; প্রত্যাগমনকে প্রশ্রয় দিতে নাই । ওহারে প্রহারে তাই উহাকে তাড়াই-
দাম ।” সে আরও বলিল—

“বড়লোক করি, লোক জানুক আগারে
আপনারে একটাই ধর্ম কর্ম করে ॥
এ সকল দাণ্ডিকের ক্রোধে প্রীতি নাই ।
অটকতব হইলে সে কৃষ্ণভক্তি পাই ”

শ্রীচৈতন্যভাগবত ।

কথা গুলি বড় মূল্যবান । “আমাকে লোকে জানুক,” অথবা
এ ভাব মনে থাকিলে ক্ষতি নাই, কিন্তু ধর্ম্মাভিমানীর কেন ?
ধর্ম্ম লইয়া ব্যবসা চতুর্নালী অতি অনুচিত যে যাহা চায়, বাঞ্ছা-
বল্লতরু তাহাকে তাহাই দেন যদি ভুগি তাঁহাকে চাও, তিনি
ধরা দিবেন । যদি “আমাকে লোকে জানুক” এই চাও, তাহাই
পাইবে ; ভগবানকে পাইবে না । গাছের গোড়া ধরিয়া টানিলে
শাখা পাতা যেমন আপনি সঙ্গে আইয়ে তদ্রূপ অন্য কিছুই প্রতি-
দৃষ্টি না করিয়া জগত্তের মূল-ধর্ম্মকে যিনি আকর্ষণ করেন, যশঃ
মান, ধন, আপনি তাঁহার সঙ্গে আসিলে ধার্ম্মিক এ সমুদায় তুচ্ছ
বস্তুর আকাঙ্ক্ষা না করিলেও, তাহা অযাচিতরূপে তাঁহারই অনু-
গমন করিয়া থাকে ।

‘ হরিনাম (মন্ত্র) দিলা প্রভু শক্তি সঞ্চারিয়া ’
(অঃ প্রঃ) ”

তখন—

“ গঙ্গার ৫ হবার পাঞা নাম চিন্তামণি ।

প্রেমেরে মাতিলা জীবৈষ্যব চুড়াগণি ’—(১)

উন্নতের জ্ঞান থাকে না ; প্রেমোন্নত যিনি, তাঁহারও সহজ জ্ঞান নাই। হরিদাস প্রেমে মাতিলেন অর্থাৎ উন্নত হইলেন। প্রেমের বেগ কতক্ষণ পরে কিয়ৎ পরিমাণে প্রশমিত হইল, তিনি সংজ্ঞা লাভ করিলেন

“ সংজ্ঞা পাঞা অষ্ট অঙ্গে দণ্ডবত কৈলা ।

কৃষ্ণপ্রাপ্তিরন্ত বলি প্রভু বর দিলা ”—(২)

হরিদাসের দীক্ষা কার্য্য হইয়া গেল। অদ্বৈত প্রভু হরিদাসের শিক্ষা ও দীক্ষা গুরু

“ জীবৈ মাফাৎ নাহি তাতে গুরু চৈতন্যরূপে ”

ইত্যাদি লোক বিপ্রাত কথার দৃষ্টান্ত হরিদাস অদ্বৈত-সম্মিলনের পূর্বেই দেখাইয়াছেন

হরিদাস প্রতিদিন তিন লক্ষ নাম বরেন । এবং—

“ নাম সমাপিয়া করে ধর্ম্মের প্রচার ।

অলৌকিক কার্য্য তার, লোকে চমৎকার । ”—(৩)

এইরূপে পরমানন্দে হরিদাস শান্তিপুরে রহিলেন

